

Ákvæði til bráðabirgða.

Um hunda sem nú eru í lögsagnarumdæmi Bolungarvíkur skulu gilda eftirfarandi bráðabirgðaákvæði:

- a. Allir óleyfilegir hundar sem voru í lögsagnarumdæmi Bolungarvík 18. ágúst 1983, skulu fá að vera áfram í allt að 1 ár, enda skal færa þá alla til skráningar strax og eigi síðar en mánuði eftir að samþykkt þessi tekur gildi og hefur verið auglýst með venjulegum hætti. Að þeim tíma liðnum verður farið með alla óskráða hunda skv. 6. gr. samþykktarinnar.
- b. Skulu þessir hundar þá skráðir og merktir sérstaklega og skulu eigendur þeirra einnig skráðir, en einungis einstaklingar með fullt lögræði geta verið skráðir eigendur hunda.
- c. Við fyrstu skráningu verða allir hundar hreinsaðir, nema eigendur framvísi vottorði um að slíkt hafi þegar verið gert og skulu allar tíkur gerðar varanlega ófrjóar, hvort tveggja á kostnað eigenda. Skulu eigendur síðan eftirleiðis koma með hunda sína í árlega hreinsun, þegar slík hreinsun verður auglýst.
- d. Árlega skal greiða gjald af þessum hundum og bæjarstjórn ákveður upphæð þess hverju sinni í sérstakri gjaldskrá, sem heilbrigðisráðherra staðfestir. Gjaldið skal greitt fyrirfram og gjalddagi þess skal vera 1. mars ár hvert og eindagi 1. apríl.
- e. Skráðir eigendur hunda eru ábyrgir fyrir greiðslu hundagjalds og hvers kyns sektum vegna brots á bráðabirgðaákvæðum þessum. Verði vanskil á þessum greiðslum skal heimilt að innheimta þær samkvæmt lögum og þessari samþykkt. Jafnframt verður farið með hundinn samkvæmt 6. gr. samþykktarinnar.
- f. Hundeigendum er skylt að hafa hunda sína ábyrgðartryggða fyrir hugsanlegu tjóni á mönnum og munum hjá viðurkenndu tryggingarfélagi. Skal framvísa gögnum þar um við skráningu og síðan árlega þegar hundagjald er greitt. Vanræki hundeigandi að ábyrgðartryggja hund sinn, skal fara með hundinn samkvæmt 6. gr. samþykktarinnar.
- g. Til að tryggja sem árangursríkasta framkvæmd þessara bráðabirgðaákvæða verði ráðinn sérstakur starfsmaður eftir þörfum til þess að annast framkvæmdina og skal þá leita aðstoðar lögregluvalda í Bolungarvík ef og hvenær sem þörf verður á því.
- h. Ákvæði 3. greinar skulu einnig gilda, eftir því sem við á, um hunda er falla undir þessi ákvæði til bráðabirgða.

Heilbrigðis- og tryggingamálaráðuneytið, 18. október 1983.

Matthías Bjarnason.

Páll Sigurðsson.

REGLUGERÐ**um búfjárhald í Höfðahreppi A-Húnavatnssýslu.**

1. gr.

Búfjárhald (nautgripa,- hrossa,- svína,- geita,- fiðurfjár,- og sauðfjárhald, svo og alifuglarækt) er heimilt í landi Höfðahrepps að fengnu sérstöku leyfi og með skilmálum sem hreppsnefnd setur.

2. gr.

Sá sem hyggst sækja um leyfi samkvæmt 1. gr. skal senda skriflega umsókn til hreppsnefndar. Í umsókninni skal gera grein fyrir fjölda búfjárins, geymslu þess og öðru sem máli skiptir um öryggi þess og hirðingu.

3. gr.

Nú telur hreppsnefnd að skilyrði til búfjárhaldsins séu fyrir hendi og skal þá veita leyfið, og er heimilt að binda það við tiltekinn hámarksfjölda. Veitt leyfi skuldbindur hreppinn ekki til þess að sjá leyfishöfum fyrir beitilandi handa búfénu, né veita þeim aðra aðstöðu til búfjárhaldsins. Leyfið skal gefið út á nafn og er ekki framseljanlegt. Leyfið er háð gildandi reglugerð um búfjárhald á hverjum tíma og er það uppsegjanlegt með 1 árs fyrirvara miðað við áramót. Ef leyfishafi brýtur reglur um meðferð búfjár, t. d. gætir þess ekki á fullnægjandi hátt, má afturkalla leyfið fyrirvaralaust.

4. gr.

Ef maður heldur búfé án heimildar og samþykkt þessi tekur til þess, skal lögreglustjóri hlutast til um að það sé tekið úr vörslu hans og er heimilt að selja það á uppboði eða slátra því.

5. gr.

Hross, að fráskildum brúkunarhestum, og kindur skulu rekin og höfð á afréttarlandi Höfðahrepps yfir sumarið.

Ef hætta er á örtröð eða um of mikinn búfénað er að ræða í högunum að dómi hreppsnefndar, getur hún takmarkað fjölda þess og sett skammtímareglur þar um.

6. gr.

Þegar hross og kindur eru ekki á afréttarlandi hreppsins skulu þau vera í heldum girðingum. Er öll lausaganga kinda og hrossa í landi hreppsins, sem ekki er ætluð þeim eða á götum eða opnum svæðum í kaптúninu stranglega bönnuð. Þar sem kaптúnið er afgirt girðingum og hliðum skal líta svo á, að búfénaður sem gengur laus í kaптúninu, sé þar algerlega á ábyrgð eiganda, enda ber að líta svo á, að búfénaður sem er í kaптúninu séu skepnur, sem fari yfir eða í gegnum venjulegar girðingar og hlið.

7. gr.

Hross og kindur sem eru á flækingi á götum kaптúnsins eða ganga laus í landi hreppsins þar sem þau eiga ekki að vera, skulu handsömuð og sett í örugga vörslu. Eigendur fá þau afhent gegn greiðslu raunverulegs kostnaðar við töku þeirra og tjóns ef orðið hefur, annars verða þau seld á uppboði og gangi uppboðsandvirðið til greiðslu kostnaðar, en eigandi, finnist hann, fær afganginn. Innlausnarfrestur fjallskilareglugerðar og laga um afréttarmál gildi um sölu þessa búfénaðar.

8. gr.

Að vetrinum þegar snjór gerir girðingar gagnslitlar, skulu menn taka hross sín í hús eða aðra örugga vörslu, svo að þau valdi ekki ágangi.

9. gr.

Ákvæði 6., 7. og 8. gr. gilda einnig um búfénað sem er eign annarra en íbúa Höfðahrepps.

10. gr.

Hest- og fjárhús skulu vera rúmgóð og þrifaleg. Dimm og rök hús eða þau sem dýralæknir telur óhæf, skulu rifin á kostnað eiganda, enda hafi hann ekki bætt úr eftir hæfilegan frest.

Haugar við hest- og fjárhús skulu fjarlægðir vor hvert, svo tímanlega sem tíðarfar leyfi og í síðasta lagi 25. maí.

11. gr.

Allir þeir sem við gildistöku reglugerðar þessarar eiga eða hafa í umsjá sinni búfé sem fellur undir reglugerðina, skulu innan 4ra mánaða frá gildistöku hennar hafa tilkynnt um búfjárhald sitt, og sótt um leyfi, ella skoðast búfjárhald þeirra óheimilt.

12. gr.

Brot á reglugerð þessari varðar sektum. Með mál út af brotum skal farið að hætti opinberra mála.

Reglugerð þessi sem samin er og samþykkt af hreppsnefnd Höfðahrepps staðfestist hér með samkvæmt heimild í lögum nr. 44 frá 23. maí 1964 og lögum nr. 38 frá 23. maí 1980, til þess að öðlast þegar gildi.

Félagsmálaráðuneytið, 13. október 1983.

F. h. r.

Jón S. Ólafsson.

Hólmfríður Snæbjörnsdóttir.

Nr. 731

13. október 1983

SAMÞYKKT

um breytingu á lögreglusamþykkt fyrir Reykjavík, nr. 27. janúar 1930.

1. gr.

2. mgr. 81. gr. sbr. samþykkt nr. 219 2 apríl 1980, orðist svo:

Enginn má reka knattborð, spilakassa eða leiktæki gegn borgun nema með leyfi lögreglustjóra að fenginni umsögn borgarstjórnar. Slíkt leyfi má einungis veita þeim, sem hefur veitingaleyfi skv. l. 53/1963. Leyfi skal ekki veitt lengur en til fjögurra ára í senn. Það skal bundið við nafn og veitir leyfishafa aðeins rétt til reksturs í því húsnæði, er hann hefur þegar leyfið er veitt. Ef leyfishafi brýtur gegn ákvæðum greinar þessarar eða reksturinn þykir ekki fara vel úr hendi, getur lögreglustjóri svipt hann leyfinu, enda hafi leyfishafi ekki látið segjast við aðvörun. Knattborð, spilakassa eða leiktæki má reka frá kl. 09.00 til 23.30. Þó getur lögreglustjóri heimilað rekstur þeirra meðan veitingastaðurinn er opin. Ákvæði 77. og 78. gr. taka til þeirra eftir því sem við á. Börnum innan 14 ára aldurs er ekki heimill aðgangur að slíkum tækjum nema í fylgd með forráðamönnum. Miða skal aldur við fæðingarár en ekki fæðingardag.

2. gr.

Samþykkt þessi öðlast þegar gildi.

Samþykkt þessi, sem borgarstjórn Reykjavíkur hefur samið og samþykkt samkvæmt lögum nr. 13. janúar 1980 um lögreglusamþykktir fyrir kaupstaðina, staðfestist hér með og birtist til eftirbreytni öllum þeim, sem hlut eiga að máli.

Dóms- og kirkjumálaráðuneytið, 13. október 1983.

Jón Helgason.

Ólafur W. Stefánsson.